

Chhuah fan : October 1984

RAMTHAR

JUNE



2024



TINISUTI BIAK IN

Member-te hi Nepali leh Adivasi an ni a. Kum 2006-a din niin, tûnah hian member 38 an awm a, kut hnathawka ei zawng an ni tlângpui.

Tezpur Bial, Assam Mission Field

SERMON

Kristian Chhúngkua

Phêk

5 - 8

KUM 40-NA

JUNE 2025

BU 461

RAMTHAR ASSOCIATION CHANCHIN BU THLA KIP CHHUAK

EDITORIAL BOARD 2022 - 2024

<i>Editor</i>	Rev. Thangzauva	RAMTHAR BIAK PAWHNA 8974694225 Office hun ch- húngin biak ni thei se. Hun dangah chuan Call lovin Message hmanga biak ni thei se
<i>Joint Editors</i>	Upa Lalþahluna Ralte Upa Zoramthanga	
<i>News Editor</i>	Pi Ruth Lalhmangaihi	
<i>Circulation Manager</i>	Pu Lallawmnakima Hmar	
<i>Publisher</i>	Rev. R. Lalhmingsanga	
Member-te		
Rev. R. Vanlalngbaka	Synod Moderator	
Rev. P.B. Mankima	Synod Secretary (Sr.)	
Rev. Dr. K. Lallawmzuala	Executive Secy., i/c Mission	
Upa Lalramliana	BEC Member	
Upa H. Zoramthanga	BEC Member	
Thu chhuah tûr nei chuan hêngahte hian a thawn theih e:		
1. Editor/Cir. Manager, Ramthar Chanchinbu, Synod Office, Aizawl, Mizoram - 796001		
2. Email: ramtharchanchinbu@gmail.com		
3. Whatsapp: 8974694225		
Ramthar Chanchin bua thu chhuah hi a ziaktu mawphurhna a ni.		

SYNOD MISSION BOARD HOTUTE

Rev. Dr. K. Lallawmzuala	Executive Secretary
Rev. R. Lalhmingsanga	Secretary
Upa Lalþahluna Ralte	Coordinator

KUM KHAT LÂK MAN - ₹ 60/-

A CHHÛNGA THU AWMTE

1. Editor thukhawcháng	1
2. Keimahni	2
3. Ringthar Chanchin Ngaihnawm	3-4
4. Sermon	5-8
5. BUH HMUN AṬANGIN: Itanagar lam hawi ila	9-11
6. Kristian Mission kalpui dân tùr (Ṭhen 2-na)	12-20
7. Ramthar Feh	21-28
8. Krista Pasalþha Pahnih Kan Chán Ta!	29-32
(1) Pu R. Siamliana chanchin tlángpui	
(2) Pu Kapmawia chanchin tlángpui	

THUHRETU



Rev. Thangzauva

Thuhretu (GK. Martar) chu mi dang sawi chhàwn ni lova, mahni ngeia hmuh leh hriat tan ngamtu hi a ni. Krista thuhretute chu Isua leh a thu zahpui lo va, harsatna leh tihduhdahna kárah pawh rinawm taka, thih pawh huama a tána ding tlatte hi an ni - *“Keini zawng thil kan hmuh leh kan hriatte kha sawi lovin kan awm thei lo,”* (Tirh 4:20).

Dàn rorèlnaah chuan thuhretu awm a ngai a (Num 34:30; Jer 32:10). Thuhretu chuan a thu hriat chu dik taka puangin, huaisen takin a dinpui ngam tùr a ni. Thuhretu ni si, rorèlna hmaa a thil hriat puang duh lo chuan a mawh a phur ang (Lev 5:1). Thuhretu pahnih tal an awm loh chuan tu mah thiam loh chantíra tihhlum tùr a ni lo (Deut 17:6). Kohhran Upa hènka chu mi pahnih emaw, pathum emaw káa mi lo chu pawm tùr a ni lo (1Tim 5:19). Hretu der chu mi chungatih a tum ang chiahin hrem tùr a ni (Deut 19:16-21). Josephus a chuan, *“Thuhretua tang tùr chu hun kal tawhah pawh mi rinawm a ni tùr a ni; hmeichhia leh bâwihte chu thuhretuah an tang thei lo,”* a ti (*Antiquities of The Jews* IV.VIII.15).

Pathian chu thuhretu atán koh a ni thìn a (Jer 4-2:5); lungpui te (Gen 31:48), maichàm te (Jos 22:34), Mosia Dàn bu te (Deut 31:26) leh lei leh vàn te pawh (Deut 30:19). Israel-te chu Pathian tán thuhretu an ni a (Isa.43:10-12). Isua Krista chu Amena, thuhretu rinawm leh dik taka a ni (Thup 3:14). Isuan ama thu a hriattír a, Pa pawhin a hriattír bawk (Jn 8:18). Isuan a zirtírte kha káwlkil thleng pawha a thuhretu an nih tùr thu a hrihlh (Tirh 1:8; 2:32). Isuan a zirtírte chu a thuhretu an nih avànga roréltute hmaa an la din tùr thu te, mantíra an awm a, vuak an la tuar tùr thute a hrihlh lâwk a (Mk 13:9; Mt 10:18; Lk 21:13). Johana chuan Patmos thliarkárah a tàn phah a (Thup 1:9); Jakoba chu Herodan khandaihina a sât hlum a (Tirh 12:2); Stephana chu lungin an déng hlum (Tirh 7).

Krista tána *martar*-na chu rinna thu hriattíra thisena tihngheh a ni a. Krista thuhretu nih vànga tawrhna chu Isua zuitu nih chhinchiahna a ni a, làwmman a la hmu ang. Kan awmna hmun theuhvah Krista thuhretu rinawm tak kan ni thei.



KEIMAHNI**† TUARPUINA:**

Pi Zakimi (68), Khawzawl Electric Veng, Pi K. Lalchhanhimi, Evangelist Teacher, S. Chhimluang (Home Mission North) nu chu ni 23.4.2024 khán Cancer vângin a thi.

Ramthar Editorial Board-in lusún chhúngte a tuarpui tak zet a ni. Pathianin awmpuiin thlamuan rawh se.

† HSLC RESULT 2024 CHHUAK: Secondary Education Board of Assam (SEBA) hnuaiá HSLC Result a chhuak a. SMB enkawl sikulte Result a tha thawkhat a, a lãwmawm hle.

Sikol Hming	Field	Zirlai	Dist.	I & *	II	III	Pass %
1. OHS Silchar	Barak	45	9	36	0	0	100.00
2. RMHS Karimganj	Barak	82	13	57	9	1	97.56
3. Winchester	Barak	22	0	7	9	6	100.00
4. PMS Gharmura	Barak	18	0	4	11	2	94.44
5. GEMS Baruatilla	Barak	12	0	7	4	1	100.00
6. PMHS Diphu	Karbi	48	0	25	22	0	97.92
7. PMS Hamren	Karbi	36	0	2	29	5	100.00
8. PMS Kollamati	Karbi	14	0	10	4	0	100.00
9. SPS Madhurpthr	Aru'W'	31	0	10	21	0	100.00
10. JMHS Jonai	Aru'W'	20	0	15	5	0	100.00
11. SPS Bhairab.	Assam	28	0	24	4	0	100.00
12. JES Lakla	Aru 'E'	33	0	23	10	0	100.00
TOTAL		389	22	220	128	15	98.97

Note: Kan sikul 12-te zingá 9-ten 100% result an nei. Exam zawng zawng 389 aþangin 385 an pass a (98.97%). Sikul pathum aþangin zirlai pali te erawh chu an fail/hrih. Tuna fail-te hian *Compartmental Exam* aþangin pass leh thei an ni a, *Result* hi la danglam leh thei a ni.

RINGTHAR CHANCHIN NGAIHNAWM KA NUN INTHLÂK DANGLAM DÀN

Rajesh Hazra



Rajesh Hazra ka ni a. Memari, Bardhaman district, West Bengal-a awm ka ni. Ka nuna Pathian hnathawh leh keimah min thlâk danglam dân te Pathian ropui nân ka rawn târ lang ve dâwn a ni.

Kei hi têt tê aṭanga Hindu chhúngkuua sei lian ka ni a, kan chhúngkuain an lo tih ṭhìn dân kha ka zawm chho ve zêl a. Amaherawhchu, sakhuaanaah hian ka lût thûk lutuk lo. Hindu pathiante malsàwmnaa dawn nân leh tlawn lungawi nân chauh *Mandir*-ah te ka kal ṭhìn a, chùng pathian limte chu chibai bûkin tihlâwm loh ka hlau ṭhìn hle.

Hun a kal zêl a, ka tleirawl chhoh aṭangin ṭhian sual ka kàwm a. Ṭhian tam tak ka nei a, chùngho nèn chuan thil sual tih kan ching chho va. Ka rilru a chhe êm êm a, ruih theih thilte ti chhovin, zu in te ka ching a, ruih theih thil a nih chuan eng pawh ka ti thei vek a. Ka ṭhiante nèn chuan ṭawngkam ṭha lo tak tak te hman kan ching a. Khatia sual taka awm kha nuam kan ti hle bawk a ni. Chùng lai chuan hna mumal eng mah ka thawk lo va; thawh tùr pawh ka hmu lo va, awmze nei lo takin ka nun ka hman liam vèl mai mai ṭhìn.

Hun a kal zêl a, kan véngah Lal Isua chanchin an sawi chu mite kal tlangin ka lo hre ve a. Ka ni hi ringtu a ni a. Kan vénga inkhâwmna pakhat, Presbyterian Kohhran, Memari-ah min inkhâwmpui ṭhìn a. Missionary Evangelist te nèn inbe pawpin House visit te, house prayer te min rawn neihsak ṭhìn a. Chuta ṭang chuan Kohhranho zingah ka inkhâwm a, ṭawngṭai leh Bible chhiar te ka ti chho ve zêl a. Kohhranho zingawm chu nuam ka ti ta êm êm a. Lal Isua chu ka hre Chiang telh telh a, ka nun hian a duh a, ka hmanghai ta êm êm a. Kum 2021 a lo nih chuan Baptisma te hial ka lo chang ta a ni.

1 Korinth 3:16 thu, “*Pathian in in nih leh Pathian Thlarau nangmahniah a awm reng tih in hre lo vem ni?*” tih ka chhiar aṭang hian zûk leh hmuam, ruih theih thil tih ṭhat lohzia ka hre Chiang chho zêl a. Pathian In kan ni a, keimahniah Pathian a chêng

reng a ni tih ka hriat ațang phei chuan chûng ka sual tih țin zawng zawng chu Pathian khawngaihna leh Thlarau thianghlim ținpuina zarah ka sim ta vek a. Țawngkam mawi lo tak tak ka hman țin te pawh ka sim ta vek a. Tûn thleng hian chûng Țawngkam mawi lo leh bawhlhlawh chu ka ká ațangin a chhuak ngai tawh lo a ni.

Tin, mit châkna sual nasa tak ka nei țin bawk a. Tûn hma chuan hmeichhia rêng rêng hi pangngai takin ka en ngai lo va; suangtuahna Ța lo leh sual lam hlinin ka ngaihtuah țin a. Mahse, Bible ka chhiar ațangin chûngte chu sual a nihzia ka hre chho zêl a. Țawngțaiin Pathian hnênah ka dîl bawk a; tichuan, chûng mit châkna sual zawng zawng pawh chu Lalpan min hlih thlâksak vek a. Tûnah chuan Krista zarah zalên ka lo ni ta a ni.

Ka nungchang Ța lo, hna thawk lova awm mai mai te, eng mah ti lova TV en leh hun âwl apianga lèn ka chìn țin zawng zawngte pawh tûnah chuan ka ti ngai ta lo. Lalpan hna Ța tak min pe a, tûnah chuan *Finance Company*-ah ka thawk a ni. Nupui Ța tak leh fapa duhawm tak Lalpan min pe bawk a, kan chhúngkua pawh Pathianin mal min sàwm nasa hle. Kan hlim a, kan thilung duh zâwngte Lalpan min pêk a Țulh lo va, kan Țawngțaina a chháng a, kan duhna te Lalpan min tih hlawhtlinsak zêl a ni.

Kan fapa kan pai lai hian mipa kan awt êm êm a, Țawngțaiin kan dil țin a. Nau neih a lo hun a, Nursing Home-ah kan in-*admit* a, kan nu hi zai a ngaih tûr thu min hrilh a. Chu Nursing Home-a nau nei ve zai chhuah tawh zawng zawngte chuan ni nga hma lam ațang tawhin hmeichhia hlin an nei a, rilru a zâm duh hle. Mahse, kan duhna leh kan Țawngțaina Lalpan a hre reng a; naute an han zai chhuak a, fapa ngei kan nei ta a, kan lâwm hle a ni.

Lalpan kawng tam takin mal min sàwm a, nun Ța lo leh sualna lak ata min hruai chhuak a, a rawngbâwl hnaah min teltir a, ringtu nun min zawhpui a, kawng dik leh fel min kawhhmuh zêl a ni. Tûnah chuan chhúngkuain Kristian kan lo ni ta a, Pathian hnênah lâwm thu ka sawi a ni. Kei anga mi sual, nun ruak leh kawng bo tak takte hi chhandamin awm se, sual ata hruai chhuahin awm se, nun thar nei ve se tih hi tûn thlenga ka Țawngțaina a ni.

**[Rajesh Hazra be duh tán: Mizo Țawnga letlingtu, Pi Vanlaluati,
Evangelist, Memari (Mobile No 93663 06330)/Bialtu Pastor,
Rev. Laldusaka (Mobile No: 9402185255)]**



SERMON KRISTIAN CHHÚNGKUA

Chhiar tùr: Tìrh 10:1,2

*Upa Lalbiakenga Fanai
Coordinator, Synod Service Board
Mobile No: 9436366234*



Kristian Chhúngkua hi kan buaipui hle a, a pawimawh rêng bawk a. Kristian Chhúngkua chu eng nge ni tih chu kan rilruin pawm dân kan nei sa vekin a rinawm a, a tâwi zâwnga sawi chuan Kristian Chhúngkua chu -

- i) Chhúngkuaa Pathian hmaa inlan (be) thìn,*
- ii) Chhúngkuaa Pathian biakbuka kal thìn,*
- iii) Pathian hnena thilpêk pe thìn chhúngkua hi a ni.*

Kristian Chhúngkua chu Krista lalna leh thuneihna chhúngkua hi a ni kan ti thei bawk ang. Chutichuan Kristian Chhúngkua chu eng ang Chhúngkua hi nge tih lam aiin Kristian Chhúngkua dân tùrin eng nge kan tih tùr pawimawh tih hi kan zir ho dâwn a ni.

1. Mahni inchúngah rawngbàwlna òan a ngai:

Kristian Chhúngkua dân tùr hian kan bei nasa hle a, kan hlawhtling khat pawhin a lang a; amaherawhchu, kan bei nasatzia ngaihtuaha kan hlawhtling tâwk lo nia a lan

chhan hi mahni chhúngkua kan rêl fel hmasak loh vàng a ni àwm e. Mahni In chhúng aia pawn lama rawngbàwlna kan ngai pawimawh a, kan dah hmasa zâwk hi kan tih fuh loh lian tak a ni. Pawn lama rawngbàwlna aiin In chhúnga rawngbàwlna hi a pawimawhna a nêp lo tih kan hriat a tûl khawp mai. Pawn lama rawngbàwlna chauh ngai pawimawha, mahni In chhúng khur leh chhúngkuaah rawngbàwlna kan thlahthlam leh si a nih chuan Kristian chhúngkua dik tak dân a har hle ang. Ramhuai man, Nuaian Isua zui a duh thu a

sawi khán Isua chuan 'Inah hâwng la...' tiin a rawng-bàwlna chu an In aṭanga ṭan tùrin missionary tùrin a tír a nih kha.

Kan thlarau mi-na te, Thlarau Thianghlim kan chan avànga kan hlim kan làwmna leh kan piantharna hi Inah kan hawn em, kan chhúngkua a thleng em, kan chhúngkua a luhchilh em tih hi i ngaihtuah thar ṭheuh ang u.

2. Fanau ngaihsak:

Fanaute hi Lalpa laka kan rochan an nih hi chu kan Chiang hlawm viau va, vànram thlenga kan hruai theih kan ro neih chhun an nih tih hi kan ngaihtuah thleng em?

Chuvàngin, thil dang zawng zawng aiin kan fate hian ngaihsak an phú a, kan ngaihsak bawk tùr a ni. Fate ngaihsak hman lo khawpa thil danga inham buai, fate aia thil dang ngai pawimawh zâwk nu leh pa hi eng zât tak awm ang i maw!/? Fate ngaihsak hman lo lêka sum leh pai buaipuitute hian sum leh pai www.mizoramynod.org

chu khawl tam eng ang mah se, an fate thlarau chu an chán leh si chuan sum leh pai chuan eng nge hlutna a neih? Tin, fate ngaihsak hman lo lêka ni tin zan tin chhuah zen pawh hi a fuh ber lo - kan chhuah chhan chu eng pawh ni rawh se.

Chuvàngin, chhúngkaw nu leh pa tin hian mi chhúngkua aiin mahni chhúngkuaah rawngbàwlna ṭan ila a va sâwt dâwn êm! Mahni In uap lum hman lo lêka kan chhuah hlanin kan fate hi Setanan min lo ruksak leh si chuan a paw ngawt ang.

Khawtlanga سوالنا chi hrang hrang awm hi chhúngkuaa zung a kaih dàn chhui lova siam ṭhat kan tum chuan kan hlawhchham ang. Chhúngkua sak fuh loh tluka ṭhiat leh harsa a awm lo. Kan chhúngkua leh kan fate ngaihsak kawngah hian kan ṭhanharh lehzual a ngai a ni.

3. Chhúngkaw mài-chàm: Hei hi Chhúng Inkhâwm ti pawhin kan sawi

thìn. Eden huana Chhúngkua pawh kha Pathianin ni tin a páwl thìn a, tlai khat an lo bihruksan tum khán, ‘Adam, khawiah nge i awm?’ tiin a rawn zawng a nih kha. Pathian hian a páwl theih chhúngkua a zawng a, amah páwl thìn chhúngkua chu a chèn chilh thìn a ni. Kan Chhúngkaw dinmun hi eng nge ni? Inbih Chiang teh ang.

Tum khat chu Henry Grady-a hi Washington (USA) khawpuiah a zin a. An ram rorèlna in, White House an tih chu a hmuhin, *“Hei hi a ni maw kan ram leh hnam din chhuahna hmun leh Pathian mit hmaha hnam ropui ber inñanna chu,”* tiin ngai sáng takin a thlir a. Chumi hnuah khaw te tak te pakhtatah a zin leh a. A thlen in-ten tih tak zeta Chhúngkaw màichàm an buatsaih a hmuh meuh chuan, *“E khai, sailungvar In lianpui kha kan ram leh hnam din chhuahna emaw ka lo tih kha ka tisual chhiava a ni! Heng Kristian, chhúngkaw màichàm buatsaiha, Pathian hmâa thingthi* www.mizoramynod.org

thìn te hi an lo nih zâwk hi le,” a ti ta hial a ni.

Kan chhúngkua hi Pathian hmâah kan inlan ngai em? Kan chhúngkuaah ÷awngtaina leh Pathian páwl na hian eng chen nge hmun a luah? Chhúngkua hi Pathian biak hona leh Pathian thu-a vawn him a nih loh chuan mi â, ÷iauvut chung maia In satu ang kha kan ni tihna a ni ang a, mathei lovin a keh darh ang a, chu chuan khawtlang leh ram a nghawng ang a, a sawp chu nasa tak a ni ang.

4. I n n e i h n a :

Chhúngkua hi khawi aṅanga bul inñan nge ni ang le? Mi thiamte chuan ngun takin an zir a, *‘Chhúngkua chu tlangvalin nula a rim ÷an aṅangin a ni e,’* an ti. Chhúngkaw din tura a bul inñanna chu inneihna hi a ni. Pathianin mihring, mipa leh hmeichhia hi innei a, nupaah insiama fa neia, he khawvêlah hian Pathian ngaihsak chhúngkua din tura min siam a (Mal 2:15); chುವಾಂಗಿನ inneihna hi fimkhur a ngai hle

a ni. Ka kawppui tùra ka thlan chu rinna kawngah te, mi-ze kawngah te, sum leh pai lâk luh leh hman thu-ah te ka kawppui àwm mi a ni em, Kristian Chhúngkua dipui theih tùr mi a ni em? etc. tih te hi ngun taka ngaihtuah hmasak ùl a ni a; nupaa insiam hnuah chuan kawp-puite nun siam ÷at leh hi a har khawp mai.

Inneihna hi chhúngkaw bul ÷anna chu a ni a, chuvéngin inneihna hi Pathian duh záwng ang taka bul ÷anin, kan puitlin a ngai a; a pawimawh êm avàngin ngaihtuah Chiang lo leh ngaihtuahna puitling lo chung chuan Inneihna hi puitlin tùr a ni lo va, chhúngkaw bul÷hut a nih avàngin theih tâwpa uluk chungin kan puitlin zâwk tùr a ni. Inneihnaa bul kan ÷an dân hian chhúngkaw kal zêl dân tùr a hril nghal

avàngin Pathian duh záwng ang taka bul kan ÷an a pawimawh tak zet a ni

Pathianin chhúngkua hi a ngai pawimawh a, chumi bul÷hut atán chuan inneihna hi a siam a; chuvéngin a bul÷hut a÷anga bul ÷an dik hi a pawimawh a ni tih hi kan hriat chian hle a ngai a ni.

Billy Graham-a chuan, *“Vànrám in hmuh duh chuan ka in-ah lo léng rawh u,”* a ti e, an ti. Keini hian kan ti ve ngam ang em?

Chutichuan, chhúngkaw tin hian Kristian Chhúngkaw dik tak -

Pa tán lal ram

Nu tán ropuina hmun,

Fate tán paradise

din tùrin Chhúngkuaah kir ila, Kristian Chhúngkua din tùrin mahni Chhúngkua ÷heuh a÷angin bul i ÷an thar leh ang u.

Putar pakhat chuan hêng thil pathum zir nán hian kum sawmli a hmang tih a sawi:

1. Amah a inchoandam thei lo.
2. Pathianin mahni inchoandam tùrin a beisei lo.
3. Kristan a ti zo vek tawh a, a tih tùr chu Krista hnathawh zawh sa lo pawm mai chu a ni.

BUH HMUN AṬANGIN ITANAGAR LAM HAWI ILA

*Rebecca Lalchhanhimi, Evangelist
Ganga & Vivek Vihar, Arunachal Field West
Mobile No: 9862414265*



Itanagar hi Arunachal khawpui ber niin, Assam nëna a inrinaa awm a ni a. Sq. Km 50 vèla zau niin, tûnah hian mi chêng 1,22,930 báwr vèl kan awm mék a ni. Itanagar hi Synod hnuaia kan rawngbàwlna *Field* thenah *West Field* huam chhúnga bial pakhat a ni. *Field Headquarters* awmna niin, *Field Secretary-in* a thut chilh a ni.

Itanagar hi tláng báwk lian lo tê tê niin hmun theng-thaw nuam tak mai a ni a. Nyshi khua ni mah sela, a mi chêng kan inpawlhsawp nasa hle. Arunachal-a hnam tin an kim, ti ila kan sawi sual àwm lo ve. Hêng a ram leilung fate bâkah hian - Naga, Manipuri leh Mizo leh Central India lam mi pawh chhiar tham tak meuh meuh kan awm bawk a ni. A mi chêngte hi sawrkar hnathawk, dawrkai leh mahni sumdawnnaa ei zawng an ni hlawm a; an ei zawwna azirin mi hausa leh rethei inkár pawh a hla hle a ni.

Itanagar-ah hian Pastor bial a din hma hauh, kum www.mizoramynod.org

2001 aṭang tawhin *Field Headquarters* hi din a lo ni tawh a. Chutih lai chuan véng hrang hrang inthen darh lovin *headquarters building* hnung lamah Biak In sain chutah chuan a huhovin an inkhâwm thìn. Rawngbàwlnain hma a sâwn ve hret hret a. Kum 2011 khán Daporijo pastor bial aṭanga indangin kohhran puitling pakhat leh *fellowship* pali an awm thìn a ni.

Itanagar-ah hian sakhaw hrang hrang zuitu kan awm a, a ram mite sakhua ber chu Doni Polo (Ni leh thla biakna) a ni. An sakhuaaah nghet tak tak awm mah se, nghet lo pawh an awm nual a. Chûng

mite chuan an sakhaw hun pui ni lo, sakhaw dangte hun pui pawh an tawm thei deuh vek a ni. Itanagar-ah hian Kristian hi zaa 29.61 vèl awma chhût a ni.

Tûnah hian Itanagar Pastor bial chhúngah hian kohhran puitling pahnih, *preaching station* pahnih leh *fellowship* pahnih kan awm mék a. Hêng zingah hian Ganga & Vivek Vihar Preaching Station hi Biak In la nei lo awm chhun an ni a. Kum 2015 khán Biak In hmun tùr lei a lo ni tawh a; amaherawh-chu, vànduaithlâk takin hemi kum aţang hian kum thum chhúng teh meuh mai kum tin a min a. Biak In sakna tlâk a nih tawh loh avàngin missionary *quarters*-ah an inkhâwm thìn a; kohhranhote hian Biak In ngeia inkhâwm hi an châk ve tawh tak zet a ni. Biak Ina inkhâwm lova, missionary *quarters*-a inkhâwm hrethiam lova, '*Pathian bia pawh kan ang lo,*' tia chhut zui ngial chung pawharawn inkhâwm chhunzawm ta lo pawh an awm nual a ni.

www.mizoramynod.org

Arunachal mite hi hnam fel tak mikhualte chungah zahngaihna ngah tak, amaherawh-chu, an duh loh zâwng-ah erawh kawlhseu tak mai an ni. An nun a zalènin hmun thenkhatah chuan zu te hi inléng thingpui inchohpa inchohpa an la awm nual a ni. An zingah rawngbàwl hi a nawm rualin ringthar neih erawh a har êm êm a ni. A chhan leh a vâng chu eng sakhua pawh an tawmpui theiin, sakhaw tin te biak theuh an pawmpui êm êm a, "*Kei chu pathian zawng zawng ka ring,*" ti páwl an awm nual a ni. Tin, thenkhat erawh an sakhaw vawn laia nghet êm êm pawh an awm bawk a ni.

Tin, Itanagar-ah hian rawngbàwl a buaithlâk êm êm a. Hmun thenkhata an tih angin *film show* neiha mipui koh khâwm theihna chi a ni lo va. Tûna kan rawngbàwl dàn tlángpuih chuan mahni *area* theuhva kan ringtute vil pah reng chungin anmahni kal tlang leh thil dangte hmang tlangkaia mi dangte thiana

siam, inkawm ngeih fé hnua Pathian thu inhrilh te, a huhova feh chhuaha Bible tract sem te a ni a. Damlo leh harsatna nei In/Chhúngkua zawng chhuakin, ÷awngñtai kan díl a, a remchàn dàna Pathian thu âm taka kan sawi te hi kan rawngbàwl theih dàn chu a ni mai a. A sâwt mawhin, ringthar neih a har hle. A cháng chuan dàwr a÷angin lehkhabu thar te leiin, kan zuar kual a. Chumi pah chuan Bible tract te semin, ÷awngñtai-na tùr te kan zawng ÷hìn. Heti chung hian tléma sakhuaana a kulmûk zual ina kan lèn luh fuh ÷uma chempui nèna min ùm chhuah cháng pawh a awm nual bawk a ni.

Tin, kum hnih kum thum chho vèl a÷ang khán RSS ten hma an la nasa êm êm a. Doni Polo (Ni leh thla biakna) chu Hindu sakhuaah rin lûtin hma

an la nasa êm êm a. A hmaa *hospital*-a damlo te tána ÷awngñtaina hun kan hman ÷hin pawh rem ti tawh lovin *hospital*-a ÷awngñtai an khap hial a ni. Hêngte chuan Itanagar biala thawktute tán chona a siam nasa hle a, kan theih tâwk leh phâk tâwkin hâk kan zauh ve zêl a. Kuminah hian ringthar pakhat kan nei ve tawh a ni.

A hmaa kan sawi tawh ang khán rawngbàwl a buaithlâkin hmasâwn a har mai bâkah RSS ten an sakhaw hluia lét leh tùrin hma an la ve mék bawk a.

Chutih rual erawh chuan kan rawngbàwlinaah huang kan zauh ve zêl a ni. Itanagar hi Krista Lal ram a nih theih nán ringlo te leh ringthar te tán leh kan rawngbáwlte te tán i ÷awngñtai zêl ang u.



“Ngai teh u, chinghne zínga beràm awm angin ka tìrh che u hi; chutichuan, rúl anga fing, ÷húro anga pawì khawìh lovin awm ang che u.”

(Matthaia 10:16).



KRISTIAN MISSION KALPUI DÀN TÙR
RUAHMANNATE - Thèn Hnihna
(Strategies of Christian Mission)

David Lalnunsanga Hmar, Evangelist
Samastipur, Patna Mission Field
Mobile No: 9401699596



4. MEDICAL MINISTRY: Kan rawng-bàwlnaa ki pawimawh tak pakhat chu Medical Ministry hi a ni àwm e. Kumin hian SMB hnuaiiah Medical rawngbàwlnaa bung mék Missionary Doctor, Nurse leh Health Worker 120 vèl an awm a. Anniho hi mita hmuh nghâl mai theiha khawtláng tána thawk bîk anga ngaih theih an nih avàngin an thawhna hmunah an tlángnél hma thei bîk deuh niin a lang. Damlo tlawh paha Pathian thu han sawi pawh hi a remcháng êm êm mai a. Khawtláng mite duhsakna pawh an chang hma bîk niin a lang.

Chutih laiin, tâna an rawngbàwl dànah hian harsatna tam tak an tâwk thei tlat mai a. Sorkar dàn angin damdawi an kaw l phal a ni lo

va, damdawi an chawh thei baw k lo va. Tuten emaw lo report se, man an tâwk nghâl thei tlat a ni. Arunachal lama kan Nurse pakhat pawhin harsatna a tawh thu a sawi a, *“Police hotupa kha Kristian a lo ni hlauh va, min man lo mai mai a ni. Mahse, damdawite erawh kaw l tawh lo tùrin mi ti,”* tia a sawi ka hre tawh.

Chuvàngin, keini Pathian nung bia, a tha lama danglam zâwk tùrte hian dàn lo (illegal) anga thil ti lovin dàn anga rawng kan bàwl theih nâna kawng thar kan dap a hun tawh hle a ni. Ka hriat sual loh chuan *Nurse License* dil dâwn chuan *pharmacist* nih a ngai a, kan damdawi thiamte hi pharmacist an lo ni baw k si lo va. Chuvàngin, lungdam tak leh hlâwk taka rawng an

bàwl theih nán kawng thar kan ngaihtuahsak a ùl tak zet zet a ni. Hetiang hian rawtna han siam chhin ila.

i) Nursing Home/Clinic din dân: *Nursing Home* khum 10 chin awm theihna te hi *Field* tinah din ila, *Missionary Doctor* kan neih mékte hian ðhut chilh se, laklawh leh indaih loh thilah chuan ni thâ (*daily basis*) ang zâwng pawhin a ram mi *Doctorte* chhawr ila. Chutah chuan kan *Nurse* leh *Health Worker* zawng zawngte kha thawktu angin an awm ang a. An damlo enkawlte kha Pathian thu nèn an enkawl ang a. An chhuah hnuah pawh an khua/véngah te awlsam takin an va léng thei tawh ang a. *Medical ministry* hmang hian nasa takin ram a lâk theih a rinawm a ni.

ii) Sorakar/Private Hospital-a Part Time-a thawh: A chung lama kan sawi tawh ang khian a bîk takin Mizoram páwn lama kan *Nurse*-te hian an damlo enkawlte damdawi chawh leh www.mizoramsynod.org

hralh phalna an neih loh avàngin heti zâwng hian ruahmanna han siam leh dáwn chhin ila. Sorakar Damdawi Inah emaw, *Private* Damdawi Inah emaw, kár khatah ni khat (chawhma or chawhnu) tal an duty ve theih dân kawng zawng ila. Damdawi in lamin mahni sum séng lova *Doctor* leh *Nurse* thiam sa te a thlâwna lo chhawr chu an duh ngei ang. Tichuan, an damlo te kha *Missionary* rilru puin an enkawl tawh ang a, an In lamah pawh an léng thei ngâh zêl dáwn a ni.

Chumi bâkah chuan, an thawhna Damdawi in apiang kha thawktu leh kan kohhran member te tán pawh pan a nuam sawt dáwn a. Kan *Nurse*-te pawhin *Doctor* te, *Nurse* leh thawktu dangte hmelhriat an ngah phah bawk ang a, kawng hrang hrangin *Medical Ministry* hian chak takin ram a lâk theih a rinawm a ni.

iii) Zawhna chhàn a nuam tawh ang: *Medical* lama thawkte zawhna chhan

tam ber nia lang chu, ‘Khawi damdawi inah nge i thawh?’ tih hi a ni àwm e. Doctor, Nurse ni si, damdawi inah emaw, *Clinic*-ah emaw an thawh si loh chuan a ram mi te rilruah rinhlehna, etc. te a piang duh hle a. An khawtláng tána contribution nei lo te chu an en dàn a dang thei hle bawk. Chuvàngin, mi ram leh hnam zingah chak zâwka hma kan lâk theihna tùrin an khawtlángin an hriatthiam theih tùr zawnga ruahmanna thar kan siam a tùl tawh tak zet a ni.

5. CRAFT CENTRE CHUNGCHÁNG: Tûnah hian puanthui zirtírna bîk *Craft Centre* hi 45 vèl kan nei mék a. Ringlo mi te hnêna Pathian thu hrilh nán leh hmelhriat siam nán a òngkai hle. Tûnlai khawvêlah hian khawiah mah mi a nileng kan tih ang chi hi an awm tawh mang lo va. Kan rawngbàwl-na hmuna mite hi hnam changkang, mi hausa, thil hre thei tak tak, *technology* lama sang tak takte an ni a. An khawtláng tána thil tih kan www.mizoramynod.org

neih awm an hriat loh chuan min lawm vak lo va, ringlote ringtu a siam tuma kohhran phun tum ringawt anga min hmuh chuan an zingá Chanchin Tha hril pawh a harsa deuh tawh niin a lang. Chuvàngin, kan *Craft Centre* te pawh hi tùn aia changtlung zâwka thuam chak dàn kawng kan zawn a pawimawh hle.

6. MULTIPURPOSE TRAINING CENTRE

HAWN: Tûnlai khawvêlah thiamna a òngkai chakzia leh mipui rilru put hmang kan hre òngkai awm e. 2G leh 3G hun kan pel a, 4G hun a inher liam mék a, tûnah 5G khawvêlah kan lût òngkai mék. Khawvêl thil zawng zawng a *in-update* chak hle mai a. Tûnlai khawvêlah chuan smart phone hmangin kan bazar tawh a, mahni inlum àngin khawvêl kan fang thei tawh a, *Mobile phone* àngin kan leiin kan hralh thei tawh.

Technology lamah khawvêl hi nasa takin a intlànsiak mék a ni. Chuvàngin, kan rawngbàwl

dàn kalphung pawh hi khawvêl thang chho mék nêna inmil a kan in-update ve zêl a tûl tawh hle a ni. Chuvàngin, tûna kan kaldàn pangngai bâkah heti zâwng deuh hian hma thar lâk dân kawng zawng ta ila, hma kan sâwn chak zâwk ang em?

i) Computer Training Centre:

a) 3 months Computer Courses

*Certificate in Computer App
[(Computer Basic)*

Certificate in DTP

Certificate in Web Devt.

*Cert. in Data Entry Operator
C Program ming*

C++ Programming

b) 6 Months Computer Courses

Dipl. in Computer Apps

Dipl. in Fin. Account (Tally)

Diploma in Web Development

Dipl. in Computer Programming

Diploma in DTP

Dipl. in Data Entry Operator

Thla thum leh thla ruk Course te hi kalpui ila, kan training chhuak te kha www.mizoramynod.org

Sorkarah te, *Company*-ah te leh *Agency* hrang hrangah te hna an la thawk ngei dáwn a. Kan tána mi tângkai tak tak an la awm nual a rinawm. Chumi bâkah chuan *Computer* zirlai te chu a tlângpuiin thalai lam an ni thìn a, thalai hmelhriat tha kan ngah chuan ringtu an lo nih ve loh pawhin kan tána mi tângkai tak tak an nih tho a rinawm.

ii) Computer, TV, Mobile Phone Repairing Training Centre:

Tûnlai khawvêla bazar tha êm êm leh mipuiin kan mamawh leh kan pan tam êm êm chu Computer, Tv leh Mobile *repair*-na dawrte hi a ni hial awm e. Mi zawng zawng deuh thawin nitin a kan hman leh kan en a nih avàngin a mamawhna pawh a sâng hle. Chuvàngin, hetiang siamna, zirna te pawh hi hawng ta ila, khawi hmunah pawh *Customer* kan nei dáwn a, a zir chhuak tawh zínga thiam bikte kha ruai zui tlâkte chu ruai zui zêl bawk ila, hmelhriat kan ngah bawk ang a, kan training centre te hi Chanchin Tha puan darhna

hmun pawimawh tak an ni nghâl dâwn a ni.

iii) Music Training Centre: Tûnlai thalai rualin an ngaihnat êm êm chu Music hi a ni awm e. *Piano* leh *Guitar* zirna ringawt pawh hi thla 3/6 *Course* angin kalpui ta ila, zir duh antam ka ring. *Music* zir pahin fakna hla etc. te kan zirpui ang a, hmun remchângah te, park-ah te, an véng/khuaah te *concert programme* han siampui ila, han inpho chhuah vêl hi vaiho phei chuan an chak thei bawk si a, kawng hrang hrangin kan rawngbâwlna hian hma a sâwn a rinawm.

Multipurpose Training Centre hi kalpui ta ila, zirtirtu tûr pawh heti lama training chhuak tawh ngeite kha la ila, rawngbâwlna zau zâwk kan neih theih rual rualin sum pawh kan thawk chhuak bawk ang a, rei lo têah amah leh amah a inenkawl theih thuai a rinawm.

7. MDTC TIHCHANG-TLUN: *Mission Develop-*
www.mizoramynod.org

ment Training Centre (MDTC) Bualpuiah tûnah hian Seat 12 a awm mék a. *Trade* pali hêng: *Veterinary, Tailoring, Carpentry leh Agriculture & Horticulture* te awmin, *trade* tinah mi pathum zêl *training* thei anga ngaih an ni a, thla ruk *Course* a kalpui mék a ni. Tûnah hian thawktu *Director* pakhat, OA pahnih, *Veterinary trade-ah Doctor* pakhat, leh *Vety worker* pali, *Carpentry Instructor* pakhat leh *helper* pakhat, *Agriculture & Horticulture Instructor* pakhat leh *worker* pahnih, *Tailoring Instructor* pakhat, *Chowkidar* pakhat leh *Hostel Cook* pakhat awmin an vaiin thawktu mi **16**-in rawng an bâwl mék a, thawktu 16 zínka mi 12 te chu *Missionary* an ni. Tin, zirlai hi *Veterinary-ah* pathum, *Carpentry-ah* pahnih, *Tailoring-ah* pahnih, an vaiin **mi 7** an awm mék a, *Agriculture & Horticulture-ah* erawh tûn *session-ah* hian zirlai an awm lo a ni. MDTC hi kan Ramthar Field-a kan kohhran memberten ei zawna nghet an lo nei theihna tûra

kan Synod-in a din a nih angin *Mission Field* zawng zawng hian a zir (*trainee*) tùr kan zawn a, he *Training Centre* hi a changtlun leh zual theihna tùra hma kan lâk ùeuh a pawimawh hle.

Tiang hi tùna kan MDTC-a thawktu leh zirlaite dinhmun a ni a, thawktu leh zirlai (*trainee*) awm zât te han en hian hma lâk belhna tùr tam tak a rawn lang uar uar thei awm mange. *Mission Field*-a kan *Craft Centre*-ah te hian puanthui zirna hi kum khat *Course* angin kan kalpui deuh vek niin ka hria a. *Exam* a *pass* leh zir chhuakte hnênah Puan thui khâwl pêk an ni bawh thìn. Tin, tùnah hian *Vety training* lo nei tawh zirlai pakhat chuan a beisei anga thla ruk chhúnga a thiam hman lo nia a inhriat avàngin tùnah hian a zir leh mék niin an sawi.

Chuvàngin, MDTC-a *Course* zawng zawng pawh hi kum khat *Course* tùrin kalpui ni se, zirlai ten thiamna ùa zâwk an zir chhuah hman

a rinawm. Hêng bâkah hian ei zawn nána an hman ngei theih nán bul an ùanna tùr puan thui zirlaite hnênah puan thui khawl te pawh pêk dân kawng zawn ni se, trade danga zirlai te pawh bul an ùan theihna tùrin kan Synod hian *policy* ùa zâwk han ruahman sela, tichuan MDTC kal tlanga kan rawngbâwlna hian tùn aia nasa zâwkin hma a sâwn a rinawm.

Misssion Field-a kan ringthar tam tak hi keini aia rethei zâwk an la ni a. Ei zawnna nghet nei lo, inhlawhna tùr remcháng an hmuh apiang thawk tawp, state danga inhlawh tùra zin chhuak fo thìn an nih avàngin kohhran hruaitu tùr chher kawngah harsatna tam tak kan tawk mék a ni. Chuvàngin, an khuaah emaw an khaw chhehvêlah eizawwna nghet an neih theih nán MDTC hi tùn aia changtlung zâwka kalpui theih dân kawng zawng ila, kan ringtharte pawh a tam thei ang ber he hmunah hian zirtír ila, ei zawnna tlâka an zir chhuah ngei theih nán

ruahmanna tha zâwk kan hotuten rawn siam thei se a va làwmawm dâwn tak êm!

8. MISSIONARY LÂK CHUNGCHÂNG: Personal Interview-ah hian Mizo ÷awng bâkah Hindi leh English a *interview* hi awm tawh se. Kan lehkha zirna leh kan thiam chin a inchen loh avàngin English a ÷awng thei lo *Graduate* a awm theih a, a bîk takin Mizoram páwna sikul a thawk tùr pheih chuan sikulin hma a sâwn lehzual theih nán English a *Interview* neih hi a ÷ûl hle a ni.

9. OFFICE ASSISTANT: Kan kalpui mék dànah hian Account lama thiamna nei lo te pawh kan hotuten an ruat apiangin OA hna hi an thawk mai zêl niin a langa. AS leh FS te puitu ber an nih avàng hian heti lama thiamna nei bîkte ruat zêl dân kawng zawn ni bawk se, Field Office hma lâkna a chak phah sawt a rinawm.

10. RAMTHAR RESEARCH TEAM DIN:
www.mizoramynod.org

Ramthar rawngbâwlna zir bingtu tùr *Research Team* din ni se. A member atán Mission rawngbâwlna lama mi thiam bîk leh Missionary zingá heti lama thiamna neite mi panga vêl ruatin hun pumin Ramthar Field zawng zawng hi a hmunah kalin zir chiang se. Field zawng zawng master plan siamin, *fellowship*-in hma a lâk dân tùrte, Bialin hma a lâk dân tùrte, Field-in hma a lâk dân tùrte, Pastor Bial hawn belh zêl dân tùrte, *Church Court*-a hlankai hun tùr kum bitukte, Synod –a hlan kai hun tùr kum *target* siamte, Kohhran Chairman, Secretary etc. te chher dân tùrte, Field-in kum 10 a tlin chuan, kum 15 a tlin chuan chumi dinhmunah chuan a ding tawh tùr a ni ti a beisei an nih thu te, *fellowship* kum 10 aia upa tawhah pawh kohhran hruaitu tùr hmun tam taka kan la neih theih loh chhan te, thilpêk pêk kawnga an chak lohna chhan te, kan beisei anga member kan pun chak theih loh chhan leh thil chi hrang hrang, a hmunah

ngei uluk taka kan zir chian a hun ta hle.

Miin building ropui, nalh leh nghet tak sak a tum chuan In rel thiam (*Architect*) te man chawiin an ruai a. A neitu te duhthusàm angin an In sak tùr an ruahman (*design*)-sak thìn a, *room* awm dàn tùr, kawngkhar, tukverh etc awm zât tùr leh a awmna hmun tùr zawng zawng an ruahman sak vek a. An rawng hnawih tùr thlenging an ruahmansak thìn. Tûnlai khawvêlah pheh chuan 3D *design*-in an siam a, sak zawh hma pawhin In awm dàn tùr zawng zawng a hriat theih vek tawh.

Chutiang chiah chuan kan Ramthar Field te hi kan mi thiam zâwkten han ruahman ve ta se, *architect* ten an *design* ang chiah chiah a *cement mistiri* ten In ropui leh nalh tak tak an sak ang hian *Mission Field*-a Lalpa tána In sa méktu Ramthar *Mistiri* te hian Kohhran ropui leh nalh tak tak, belhchian dawl, rinawm leh nghet hi kan sa thei ngei ang.

www.mizoramynod.org

Chuvàngin, 5G khawvêla kan luh chhoh mék lai hian kan Synod pawh tûn aia nasa zâwka a *in-update* chak hi a tûl tawh tak zet a ni.

11. WORKING COMMITTEE: Mission Field-a Committee sang ber chu Working Committee a ni a. FS-in a kaihrui a, member te chu Pastor te leh missionary zínga mi ruat an ni thìn a, kum thum term angin a kal. Field thenkhatah chuan School lam aiawh mi 2/1 an ruat thìn niin an sawi. Kan rawngbàwl dàn tlángpui kan hre tawh a (*sikul, medical, Craft* etc) chuvàngin, fulltime-a inruat a rem chiah lo pawhin an chungcháng (*concern agenda*) rel tùr a awm hunah sikul, *medical* leh *Craft* te hi mi pakhat (an zavaia aiawh) sawm thìn ni se, a thawktu ngeiin an sawi chuan a réltu tùr tán pawh rel fel a awlsamin thu tlúkna siam pawh a awlsam duh ngei ang.

12. COORDINATOR RUAT CHUNGCHÁNG: Kan Synod hnuaia

department lian ber leh thawktu tamna ber, buaipui tûr tam ber, kohhran pawhin kan ngaih pawimawh ber chu SMB hi a ni àwm e. *Record* hnuhnung bera a lan dànah chuan tûnah hian thawktu mi 1,639 an awm mék a, Field worker te nèn chuan 2,791 chuang awm tawhin *Mission Field* 18-ah kan bung mék a. Hemi bâkah hian SIMNEI kal tlangin Bolivia-ah Missionary pahnih an awm bawk.

Ramthar rawngbàwl-naah hian *Coordinator* leh

Asst, Coordinator te hi an pawimawh hle mai a. *Mission Field* zawng zawng enkawlna leh kaihhruaina hna thawktu ber ang an nih avàngin kan Synod hian SMB *Coordinator* leh *Asst. Coordinator post* bîkte hi chu Ramthar rawngbàwlna lama thiamna nei bîkte emaw *Mission Field*-a missionary hna kum 15 chin thawk tawh te, *Mission Field*-a tawnhriat nei zínga mi ngei ruat theih dân kawng zawng sela, tûn ai hian ramthar rawngbàwlna hi a chak phah sawt mai lo'ng maw?

M
I
N

H
R
U
A
I

Z
Ê
L

T
H
Ì
N

Joseph H. Gilmore-a (1334-1918) hi Boston, USA-a piang a ni a. Baptist kohhran hrang hrangah Pastor hna a thawk thìn a. A pa (Governor) secretary-ah te a ãang a, Newton Seminary-ah Hebrai ãawng zirtírtu hna a chelh tawh a, Rochester University-ah English (thu leh hla) a zirtír leh bawk. Pastor inpe tak, mi thiam tak, thu leh hla lama thawh hlâwk tak a ni.

March 26, 1862 khán First Baptist Church, Philadelphia-ah Sâm 23-na behchhanin thu a sawi a. Pathian hruaina duhawm tak chanchin a sawi chuan amah leh a ngaithlatute a hneh hle mai a.

Inkhâwm bànah Upa (*Deacon*) Watson-a inah Pathian thu sawiin an inkàwm khâwm a. Chuta an tì ti ho lai chuan Pathian awmpuina nasa tak chang zuiin, a *pencil* a la chhuak a, vawiin thlenga Kristian-te hla ropui tak, '**KAN PATHIANIN MIN HRUAI ZÊL THÌN**' tih hla hi a ziak chhuak ta zung zung mai a ni.

RAMTHAR FEH**1.7**

1. **Field Hming** : Tripura Mission Field
2. **Bial Hming** : Tuidu Pastor Bial
3. **Tlawh hun** : 26.10.2023 – 30.10.2023
4. **Tlawhtu** : Ruantláng Koh. Ramthar Committee
5. **Kal zât** : Mipa – 7; Hmeichhia - 1
6. **Tlawh chhan** : Tuidu Bial chhúng Kohhrante
dinhmun en
7. **Hman zât** : ₹ 1,55,820/-

8. Làwmawm lam: Ruantláng Kohhran Ramthar Committee-in Tripura Mission Field chhúnga Tuidu Pastor Bial tlawh tùra a lo rel tihlawhtling tùra Pathian òanpuina kan dawng hi kan làwm a. Tin, Field tlawh kan òilna min remtihsaktu Synod Mission Board chungah kan làwm hle bawk. Tin, Tripura Mission Field Secretary-in tlawh min phalsak bawk a, kan làwm tak zet a ni. Tin, hêng kan sawi tak te bâkah hian Tuidu Pastor Bial vawngtu Rev. Solomon Lalmuanpuia Kiangte leh Missionary ten hmél hlim taka min lo dawngsawng a, an chènna Quarters-ah min thleng a, ei tùr leh in tùr tuihnai tak tak te min hluin, mutbu te chena min lo tumsak hi kan làwmin kan thla a muang hle a ni.

Ni 26 (Ningani) tlai dár 6:17-ah Ruantláng Pastor Bialtu Pastor K. Lalthlamuanan òawngtàiin min thlah a, Kohhran Committee leh Kohhran mi eng emaw zâtin min thlah liam bawk. Biak In tualzáwl àtangin Tripura Field panin kan chhuak a, tuang takin kan kal a. Ni 27 zing lam dár 7:30-ah Zamuang kan thleng a, tùkthuan Hotel-ah eiin, tùkthuan ei khamah kal lehin zing dár 10:30-ah Tripura ram chhúng kan lût a. Chhùn dár 12:00-ah Pecharthal Mission compound kan thleng a, Pecharthal-ah hian Ruantláng Kohhran àtanga Missionary-a chhuak Tv. Rafael Zothanpuia, Evangelist Teacher-a thawk mék a awm a. Ani hi tlawh ve ngei tha kan ti a, a thawhna mit ngeia kan hmu thei hi vânei kan inti hle.

Thingpui tui tak min lum a, kan in ho va, kan kal chhuahsan leh ta. Tluang takin tlai lam dár 4:00-ah Tuidu Mission Compound kan thleng hlawl mai. Pastor Solomon Lalmuanpuia Khiangte leh a thawhpui Missionary ten hmél hlim sârh maia min lo chibai chu hah a dam sawng sawng mai. Pastor Quarters-ah kan lut khâwm a, Pastor-in làwm thu te sawiin Pathian hnênah a ÷awngtai a, kan thlenna tùr an lo siam fel vek mai a, làwm takin mahni thlen in lam kan pan ta sang sang a ni.

Ni 28 (Inrinni) hian Bialtu Pastor ruahmanna fel tak hnuaiyah Tripura Mission Field Office, Agartala kan tlawh a, Reng Lal In kan tlawh nghâl bawk a. Inrinni zànah Tuidu Pastor ÷huthmun Kohhran-ah kan inkhâwm a, hunte min pe a, Pu C. Lalrivungan Pathian thu ÷ha tak leh nung takin a sawi a. Inkhâwm bànah Pastor Quarters-ah zaia inpàwl khâwmna kan nei a, kan tam lo nân kan tui tláng hle a, hlâwk kan inti hle.

Ni 29.10.2023(Pathianni) hian Pastor ruahmanna fel tak zuiin Bial chhúng Kohhran tlawh tùl tak tak Kohhran pathum kan tlawh a. Field tlawh a kalte hi pàwl thumah min then a, Hêng Kohhrante hi kan tlawh: Donlehkha - Khambar Kaipeng hnam; Gondaek South - Molsom hnam; Gondaek North - Kaipeng hnam. Hêng Kohhrante hi Biak In sak bul ÷an leh sa mékte an ni a, Kohhran mi an la tlém a, ei leh in lama la intodelh lo tê tê te an nih avàngin an Biak In sak mékah ÷anpui ngai tak an nih hriain kan tih theih tâwk - ‘ 30,000/- ÷heuhvin kan ÷anpui ve a ni.

Hêng Kohhran pathumte hian thu sawina hun min pe ÷heuh va. Gondaek North Kohhranah Pu Sanglianthanga, Committee Member in thu a sawi a; Gondaek South Kohhranah Pu TBC Lalrohlua, Asst. Secretary-in thu a sawi a; Donlehkha Khambar Kohhranah Pu Lalmuanchhúnga, Committee Member-in thu a sawi a ni.

Pathianni zànah hian Kohhran pahnihah kan inkhâwm

leh a, Tuidu Kohhranah Upa SC Lalsanglianah thu a sawi a, ani hi Ruantláng Kohhran Committee in Field tlawha kalte hruaitu atána a ruat a ni. Tuidu West Preaching Station-ah hian Pu C. Ramnienga, Secretary-in thu a sawi a (*ani hi Tuidu Pastor Biala missionary-a a thawh laiin kum 2020 khán a pension a. Túnah hian Ruantláng Kohhran Ramthar Committee Secretary a ni mék*). an Kohhran a inkhâwm a kalte hi zanriah chawhlui min lo buatsaihsak a, Kohhran mite nèn chawhlui kan kil hova a làwmawm kan ti hle. Inkhâwm banah Pastor Quarters-ah kan zai ho leh a, Thlarau Thianghlim awmpuina a zarah kan hlim tláng hle. Kham lo takin zàn dár 11:30-ah kan t̄in ta a ni.

Ni 30 (Thawht̄anni) zing dár 7:20-ah Bialtu Pastor Solomon Lalmuanpuia Khiangtein t̄awngt̄ain min thlah a, Ruantláng panin Tuidu Bial kan chhuahsan ta a ni. Ambassa-ah Pu Biswa Jit Debbarma te chhúngin t̄uk̄thuan min lo buatsaihsak chu puar takin kan ei a. Pu H. Lalrinzuala, Headmaster Maranatha English School, Ambassa-in t̄awngt̄ain min thlah a. Manu Pastor, Rev. John Lalrinliana leh Evangelist ten tlawh ve t̄ura min sawmna ngai pawimawhin kan tlawh leh a. Thingpui leh chhang tui tak min lo hlui leh a, kan va làwm th̄in tak êm! Pastor John Lalrinlianah thu tlém sawiin, t̄awngt̄aina hun a hman zawhah kan chhuahsan leh ta a ni. Tichuan, Thawht̄an zàn zankhuua kan tlàn hnuah ni 31 zing dár 8:15-ah Ruantláng khua chu dam leh tuang takin kan thleng leh ta a ni.

TBC Lalrohluah, Ramthar Ziaktu (Asst)

2.

1. **Field Hming** : Tripura Mission Field
2. **Khua** : Khedacherra, Seisimdung Pastor Bial.
3. **Thawh hun** : Ni 27.11.2023 – 1.12.2023
4. **Tlawhtu** : Electric Véng Kohhran
5. **Thawh chhan** : Hnathawh

6. Hnathawh : Biak In sak
 7. Kal zât : Mipa – 13; Hmeichhia - 3
 8. Hman zât : ₹ 3,85,728/-

9. **Làwmawm Lam:** Kohhranin Work camp neih a lo ruahman chu Tripura Field hotute nèn inberáwnin ‘Khedacherra-ah Biak In sak ni se’ tiin rél a. Khedacherra hmuna missionary Pu FZ Sangzuala hi thla thum vêl hemi hmunah hian a awm hman chauh a ni.

Ni 27.11.2023 zíng dár 6.00-ah Upa Hmingthangan Work Camp kal tùr te ÷awngtáin min thlah a. Upa Lallungmuanan kal tùrte min ho va, motor 5 hmangin kan kal a. Pathian hruainain tuang takin Khedachera chu tlai dár 3:00-ah kan thleng a. Thlen vêleh Biak In chung tùr rangva leh tûl dangte Dharmanagar-a mi kan la nghâl a. A tûk zíng dár 6:00 aţangin hna kan thawk ÷an a. Hemi hma hian Missionary Pu FZ Sangzuala hnênah hlauhfa rawihna tùr sum kan thawn lâwk a; chumi hmang chuan Biak In hi lo rel lâwkin inchhun thlengin an lo hláng lâwk a, a *skirting* pawh *brick-in* an lo rem lâwk tawh a ni.

Work Camp-a kalte hian hna ngawrh takin kan thawk a, rangva chûm te siamin a chung kan chih nghâl a. Chokut leh bangrel te belin bang kan ping a, kawngkapui leh tukverh te kan vuah nghâl bawk a. Electric light leh fan te pawh kan vuah fel a; pulpit, maichàm leh *lectern* te pawh mawi taka siam a ni bawk a. Biak In sak hna hi tuang takin ni thum chhúngin kan zo fel a ni. Hnathawh chhúng hian Pathian hruaina ropui tak kan chang a, intipalh leh inhliam kan awm lo va, a làwmawm hle.

Ni 1.12.2023 (Zirtawpni) chhùn dár 12:00-ah Biak In thar chu Upa Lallungmuanan Pathian hnênah hlànin a hawng nghâl a. Biak In hawn *programme* hi Bialtu Pastor Bhanulal Molsom-in kaihruiin ringthar mi 13 lai Baptisma a chantír a, a làwmawmin kohhranho pawh an phûr hle a ni. Biak In hawn zawhah hian Biak In thar lawmna ruai kan www.mizoramynod.org

thehsak a. Ruai theh zawh, chawhnu dár 2:00-ah Aizawl lam panin kan chhuak a, tuang taka hawin zàn dár 7:30-ah Aizawl kan thleng leh ta a ni. Work Camp chhúng leh kawng tuana min hruainaah Pathian hnênah làwm thu kan sawi a ni.

Lalrochhara, Ramthar Ziaktu

3.

1. **Field hming** : Home Mission North
2. **Khua** : S. Chhimluang
3. **Tlawh hun** : Ni 18-17 February, 2024
4. **Tlawhtu** : Chhiahtláng Vénglhun Kohhran.
5. **Kal zât** : Mipa - 10; Hmeichhia - 3
6. **Tlawhchhan** : Hna thawh
7. **Hnathawh** : Headmaster Quarters chung chih
8. **Hman zât** : ₹ 68,010

10. Làwmawm lam: Ni 13 (Thawhlejni) zíng dár 6:30-ah Rev. R. Zoramawia, Bialtu Pastor-in Biak In tualah tawngtaia min thlahin khua kan chhuahsan a. Tluang taka kalin, tlai dár 5:15-ah S.Chhimluang chu kan thleng a; thawktute leh Kohhran Committe ten min lo hmuakin zanriah min lo siamsak te kan ei a. Zanriah ei kham ațangin kan kal chhan Quarters chung chih chu a hmanraw t̄ul leh mamawh t̄urte ngaihtuahin a th̄uin kan hna chu kan zo nḡhâl der mai.

A t̄uk zíng dár 6:00 ațangin kan bung nḡhâl char char a, a chung chu chih theih t̄urin kan peih nḡhâl a. Ningani zíng kár ațangin a chung kan chih nḡhâl a, harsatna leh buaina awm lovin kan zo leh nḡhâl a. *Ceiling* siam nḡhâl tuma kan inbuatsaih laiin a hmanruain min daih tâk loh avàngin Staff Quarters *repair* ngaite *repair*-in ni 16 (Zirtawpni) chu kan hmang ta a ni. Kan hna thawh t̄urte tuang taka kan zawh theih avàngin kan làwm hle.

Zirtawp zànah hian thawktute, Kohhran Committee, KTP leh Kohhran hmeichhia te nèn inpàwl khâwmna hlimawm www.mizoramynod.org

tak leh khamawm loh tak mai kan hmang ho leh a. S. Chhimluang, Kohhran pangngai tak din tawhnaa rawngbawlina hmachhawp leh an tih mék, harsatna leh hmasâwnnate kan ngaihtla a, ngaihtuahna a tithui hle mai. Kohhran ngelnghet zâwkte leh ram laili lamte hian tawngtâina lamah leh tha sèn thuah pawh kan ngaihsak zui an ngai khawp mai.

9. Report tûl dang: S. Chhimluang Kohhran Biak In sak tanpuina atán ₹ 10,000 kan pe. Tin, Rev Lallungmuana, Kolasib Vénglai Bialtu leh Rev. R. Lalsiamliana, Rengtekawn Pastor Bialtu ten kan kal lam leh kan haw lam thingpui min lo lumsakin, min lo dawngsawng a, kan lâwm hle,

Kohhranho te leh thawktu te nèn thawh hona boruak tha tak neiin kan inpawh tláng hle. Hna thawka kalte mahni theih ang tâwk theuhvah inthlahdah lovin kan thawk rim tláng hle a, kan beisei aia hmam kan hna kan thawk zo thei a ni.

Ni 17 (Inrinni) zing dár 6:00-ah thawktute leh Kohhran Committee te nèn inthlahna chibai inbûkin Upa R. Lianzualan tawngtâina hun a hmang a, inngai tak chungin kan inthen ta rih a ni. Tluang taka kalin dár 4:15-ah Chhiahtláng chu kan thleng a. Min hruaitu Pathian ropui ber rawh se.

P.C. Laldingliana, Ramthar Committe Ziaktu

3.

1. **Field hming** : Barak Area
2. **Khua** : North Gharmura
3. **Tlawh hun** : Ni 21-26 February, 2024
4. **Tlawhtu** : Champhai Bethel Kohhran
5. **Kal zât** : Mipa 19
6. **Tlawh chhan** : Hna thawh
7. **Hna thawh** : Slab chhùn, White topping, Electric wiring, Syntex repair, Lu meh
8. **Hman zât** : ₹ 1,07,730/-

9. Làwmawm lam: Hun rei tak aṅanga Work Camp nei tura kan inbuatsaihna tihlawhtling tûrin Ni 21.2.2024 zing dár 5:40-ah Champhai Bethel Kohhran Biak In tual aṅangin Sumo pahnih leh Scorpio pakhat hmangin North Gharmura lam panin kan chhuak a. Kohhran Ramthar Committee Vice Chairman Upa C. Lalthantluangan Pathian hnêna ṭawngṭaiin min thlah a ni. Tluang takin tlai dár 4:40-ah North Gharmura Mission Compound kan thleng.

Headmaster, Pu H.C. Laldinmawia Quarters-ah staff-ten thingpui tuihnai tak nèn min lo hmuak a, kan hlim hle. Kan Kohhran aṅanga chhuak NI.Rosangpuii nèn kan inhmuphei chu kan hlim leh zual. Headmaster-in Pathian hnênah tluang taka kan inhmuh theih avànga làwm thu sawi ṭawngṭaina a nei nghâl bawk. Quarter thar la luah loh pakhat chuan a huhovin min riahtír a; ei rawng erawh chu Mission Compound choka-ah kan báwl thung.

Ni 22 zing dár 6:30-ah Sikul Building thar (Ft 28 x21) slab chhúng tûrin hna bul kan ṭan nghâl mawlh mawlh a; hemi ni hian rod ram kan zo nghâl. Ni 23 zing dár 6:30-ah slab chhùn hna kan thawk ṭan a. Sikul tualzáwla Cement, Rawra leh Balu awm chu in chungah thiar chhoh a ngaih avàngin a hna a hautak hle. Ngawrh takin kan thawk a, tlai dár 3:00 vèlah kan zo. Headmaster leh Office Assistant-in niléngin min pui a, kan làwm hle. Ni 24-ah Sikul Gate leh Office inkár (Ft 30 x18) zau chu *white topping* hna kan thawk leh a; tlai dár 2:00 vèlah kan zo leh bawk.

Ni 22 aṅangin Quarters thar, kan riahna chu *electric wiring* kan thawk nghâl a; ni thum zet kan thawh hnuah ni 24 tlai dár 3:00 vèlah kan zo thei bawk.

Ni 9.2.2021-a Zophai hmuna ramri buaina a chhuah khan North Gharmura School Headmaster-te chhúngkua chuan mi sual kutthlâk tuarin, an tuizem an tihchhiatsak a, chu chu kan siam ṭha nghâl a ni.

Work Camp-a kalte hian kan thiam thil theuh hmangin kan theih ang angin hna kan thawk a; hetah pawh hian lu mêt thiamten lu mehna hmanrua an keng a, *compound* chhúnga thawkute lu sarih lai meh a ni bawk.

10. Làwmawm lo lam: Compound chhúngah hian an tui tlan hi a thlanglim tâwk lovin chirh rim a nam a, a sen rúm bawk a; ei rawngbàwna atán pheii chuan iaiawm tak a ni. Mahse a dang an neih miao loh avàngin an hman a ngai si. In tùr *compound* páwn ațanga lei a ngaih thin bawk avàngin sum a hek duh khawp mai. Hei hi Synod Mission Board lamin hma lâksak thei se a duhawm hle.

11. Report t̄ul dang: Work Camp-a kalte hi Revd. Dr. Rualthankhuman min ho thei hlauh mal a, làwmawm kan ti hle. North Gharmura Kohhran hruaitute lo ruahman angin hetiang hian hun kan hmang:

Ni 24 (Inrinni) Zàn inkhâwmah Revd. Dr. Rualthankhuman Gharmura Kobhran Biak Inah Pathian thu a sawi a; Pu Dawngsuanpauvan North Gharmura Biak Inah Pathian thu a sawi. Ni 25 (Pathianni) chawhnu inkhâwmah Revd. Dr. Rualthankhuman North Gharmura Biak In leh zànah Kaisanary Kohhran Biak Inah Pathian thu a sawi a ni.

Hemi tlai hian James Winchester thata, a fanu Mary Winchester an manna hmun Thingpui huan kan tlawh a, țawngțaina kan hmang bawk a, hlâwk kan inti hle.

Ni 26 zing dár 5:00-ah Asst. Headmistress Pi Hmangaihşangin Pathian hnênah țawngțaiin min thlah a. Hmanhmawh vak lova tlânin zàn dár 9:00 vêlah Champhai kan thleng a. Kohhran mipuiten thingpui tuihnai tak nèn min lo hmuak a, Ramthar Committee chairman Upa C. Zohmingthan Pathian hnêna làwm thu sawi țawngțaina a hmang.

Dawngsuanpauva, Ramthar ziaktu



1. PU R. SIAMLIANA_CHANCHIN TLÁNGPUI

Pu R. Siamliana hi Upa R. Liankunga leh Pi Ngurlawmi (L) te fa 10 zinga pathumna niin, ni 18.10.1966 khán Lungkawlh khuaah a piang a. N. Vanlaiphaiah pémin, chumi hnuah Aizawlah an pémin leh a ni.

A naupan lai atáangin naupang fel leh harhvâng, tum ruh tak, thiante tihlimtu ber a nih avàngin a thiante pawh hian an ngaina êm êm thìn. Thiamna lamah B.A., B. Ed. a ni a, B.A. a zawh hnu hian LL. B a zir a, a zir zawh hmain Pathian kohna chhangin Bungkawh Kohhran atáangin ni 6.5.1996 -ah Synod Mission Board hnuah Missionary tura lâk a ni a, hmun hrang hranga a awmnaah Bungkawh Kohhran hian an ngaihsakin an um zui reng a, kum tin Krismas pualin thilpêk an pe ziah thìn.

A têt têt atanga Kohhran bel tlat, ziktluak taka Sunday School kal, naupan lai atanga piangthar leh tleirawl sual nei lo a ni a. A nu leh pa, ute a zah thiam a, a unaute a ngaihsakin a tûl apiangah a tuam hlâwm thìn. A unaute tihlimtu ber a nih avàngin a unaute hian an ngaina êm êm a. Chhúnglehkhat hui khâwmtu a ni a, ngainat pawh a hlawh hle a ni.

Ni 5.1.2001 khán Pi C. Lalmangaihzuwli (Missionary, SMB) nèn Bungkawh Kohhranah inneiin fapa pahni an nei a. Nupa inkawprem tak, inhaui ngai lo, mu rual tho rual leh thìn an ni. Thilpêk rawngbâwlina lamah sawma pahni a pe thìn a, chu aia tam pawh pêt cháng a nei fo mai. An fapa naupang zâwk hi pianphunga rualbanlo a ni a, he an **Vohbik** pual hian Missionary pahni an chawm a ni. Pu Siam hi mi dik, tlawmngai thei tak, thilphal tak, inpe tak leh thahnemngai tak a ni.

A thawh tawhnate: Karimganj, Barak Area (1996-2000); Bhairabkunda, Assam (2001-2008); Tlabung & Zawlpui, Home Mission South (2009-2013) & (2014-2015); Karbook, Tripura (2016-2018); Salem Boarding, Home Mission North (2019-2020); Pecharthal, Tripura (2020 – 15.6.2022) leh Venghnuai Bial, Masihi Sangati (16.6.2022-10.4.2024) te. Tlabung, Zawlpui leh Pecharthal-ah te hian Headmaster hna a thawk a ni.

Pecharthal-a an thawh laiin a nupui, Pi C. Lalmangaihzuali (Mangaihi) chu Cancer, enkawl ngai a nih avàngin SMB-in Aizawlah Masihi Sangati Evangelist tùrin kum 2022 khán an nupain a dah a. Vânduaitlâk takin a nupui hian ni 29.01.2023 khán chatuan ram a lo pan ta a, hemi kum vêk ni 22.12.23 khán a fapa naupang zâwk chu a lo boral ve leh ta a. Kum khat chhúnga a nupui leh a fapa a chán hi a tuar nâin a lung a léng thei êm êm a, zàn mut mumal loh cháng ngah hle. Amaherawhchu, chhúngte leh then leh rualte lakah hrehawm ti hmél a lantír ngai lo.

A nunah hian tuarna chi hrang hrangin a khát tâwkin a chîm ve reng thìn a; mahse, chûng harsatnate chu a inbawh behtír ngai lo va, Pathian chungah a vui ngai lo. Biak Inah leh Kohhranho zai khâwmnaah hlim takin Pathian fakín a lám thìn.

Pu Siama hi hun eng emaw aţang khán Zunthlum leh Thisen sáng nasa vak lovin a tlâkbuak ve ţan a; mahse, nunah harsatna a tawh phah lêm lo. Ni 9.4.2024 khán Lungleng rama a huanah thlai chi thlâka zan hnih riak tùrin a chhuak a, chhùn lamah pawh biak pawh a ni. A hma pawha a lo riah tawh avàngin a chhúngte pawhin ngaihţhat lohna eng mah an nei lo va. Tichuan, a tûk ni 10.04.24 chhùn lama a chhúngte *phone* chu a chhàn tâk loh avàngin leh a reh tâk vang vang avàngin a chhúngte ngaih ţha lo chuan an va ngaihven a; vânduaitlâk takin a thlám chhuatah lungphuchàwl avàngin a ruang an va hmu ta a ni. A lo mut dân leh a hmélhmang aţanga a lan dânin a chhùn chàwl, tui taka a mu chu a muhil hlen ta nia ngaih a ni a. Lungleng khua aţangin a hria apiang anrawn kal a, kuangterawn kengin tih tùr ţulte tih a nih hnuah in lam panpui a ni a. A ruang hi Synod hotu thenkhat leh Missionary eng emaw zâtin ramhnuaiah an lo hmuak a.

Tichuan, a tûk ni 11.04.2024-ah an chènna Salem Mualpuiah Bialtu Pastor Vanroluahan a vui a, hmun hrang hranga Kohhran lo pung khâwmten Krista Pasalţha fak hlawh tak hi ui tak leh zah takin an thlah liam ta a ni.

“Ka ram chu he khawvêla mi hi a ni lo,” (Johana 18:36).

2. PU KAPMAWIA CHANCHIN TLÁNGPUI

Pu Kapmawia hi Pu Khawvelthanga leh Pi Lalkimi te fa pathumna niin ni 11 December, 1983 khán Bualpuiah a piang a, pianpui unau mipa pahnih leh hmeichhia pahnih a nei a ni.

Pu Kapmawia hi naupang harhvâng leh mite tihlim thei tak a ni a. Primary School leh Middle School hi Bualpuiah zirin High School hi Kawnpuiiah a kal thung. Kum 2003 khán Pi Mary Lallawmzuali nèn inneiin fa pathum (fapa 2; fanu 1) an nei.

Pu Kapmawia hi Bualpui Kohhran ațanga Missionary-a chhuak a ni a. Kum 2013 chhúng khán Medili, Cachar Tlangramah Voluntary Missionary-in a thawk a. Kum 2014 khán Missionary hna, Synod Mission Board hnuaiia thawk atán lâk a ni a, a awm tawnate chu: Evangelist – Kosopcherra, Cachar Tlangram (2014-2016); Evangelist – Duttapur, Cachar Tlangram (2017-2021) (*Cachar Tlangrama a thawh lai hi chuan Barak Area a la ni a; 2023 ațangin Field hrang a ni*); Agriculture Worker – MDTC, Bualpui (2022-a thih thlengin).

Pu Kapmawia hi rawngbáwlto inpe tak, inngaitlâwm tak, mi zaidam leh rual pàwl thiam tak a ni a. Bru ațawng thiam tak a ni a, Bru ațawngin Sunday School zirlai leh Nilai zan thupui zir tur te a let hial a ni. A thawhna hmuna miten an ngaina hle.

Cachar Tlangrama a thawh lai hian Bial KṬP Leader leh Bial Inkhâwmpui Secretary chanvo te pawh a lo chelh tawh a. Bialtu Pastor ațawiàwm kawngah leh thawhpuite nèna thawh hona kawngah pawh fak a hlawh hle thìn. Ringthar pawh a nei thei hle a ni. Mi dang ațanpui a peih êm êm a – ringtu mai ni lovin ringlote pawhin hei hi amah an ngaih êm êmna chhan pakhat a ni. A vuinaah pawh a thawhna hmasaa mite, ringlo eng emaw zât nèn Cachar ațang hian amah thlah liam tùrin an lo kal nghe nghe a ni. Damlo a ngaih sak a; natna khirh takin a tlâkbuak avànga amah ngei pawhin sum a mamawh êm êm lai pawhin amah an kanna pawisa te hi mi harsa zâwkte sem ve zêl a duh thìn a, ațanpui tùr hi a hre thei hle a ni.

Rawngbáwla missionary-ho an feh chhuah chángin

hmeichhia leh upa zâwkte tanpui tum tlat mi, mi dangte chhâwk tang tang thìn mi a ni. Ringthar mai ni lovin a thawhpui, harsatna tâwk ten a kiana an harsatna sawi an chhâk thìn a; ani hian hian a thiam ang angin a lo thlamuan thìn a ni. Lungawi ching mi a ni a, a thawhnaa miten *quarters* sak an phal loh avàngin lei in te reuh tê, thim rik rek tak chu kum nga lai an luah a; mahse, lungawi tak leh nuam ti takin a awm mai. A natna avàngin a vui ngai lo va; chhel takin a tuar thìn.

A nupui fanaute a ngaihsakin a hmangaih hle a, pa nih tling tak a ni. Anni pawh hian an chhuang a, an ngai sáng a, a nunah sawisèl tûr an hre ngai lo. Tawngtai mi, Pathian pawl ngaina tak a ni a. A dam loh avànga a inkhâwm theih loh cháng pawhin Biak Ina an zai thâwm leh thu hril te ngaihtlâk tumin an *veranda*-ah te awmhmun a rem hrâm hrâm thìn.

July, 2021 khán insawisel tanin, a chawkawngah báwk a awm tih hmuh chhuah a nih hnuah, Cancer a ni tih hmuh chhuah a ni a. Ni 18.10.2021 khán Civil Hospital-ah zai a ni a. *Chemotherapy* leh *Radiation therapy* te hmanga enkawl a nih hnuah April, 2022 khán a hnungzáng ruhah a natna chu a darh a ni tih hmuh chhuah a ni leh a. Theih tâwpa enkawl ni mah se, a natna hi a tai darh zêl avàngin kumin kum tîr lam khán a ngháwngah báwk a lo awm leh a. *Radiation Therapy* hmanga enkawl ni mah se ni 28.3.2024 a lo nih chuan in lamah *Oxygen* te hial pêk ngaiin a lo chau zual ta a. Ni 6 April, 2024-ah Synod Hospital, Durtlangah *admit* niin, zan khat *Ward*-ah enkawl a nih hnuin a tûkah ICU-ah dah luh a ni a. A natna lo zual zêlin, ni 13.4.2024 chawhma dár 10:00 khán Krista Pasaltha chhuanawm tak chuan Lalpa hnênah min chawlhsan ta a ni.

A tûk, ni 14.4.2024-ah Rev. R. Lalrinsanga, Director, Masihi Sangati Kendra-in Pu Kapmawia hi MDTC, Bualpuia an *quarters*-ah a vui a. Kohhranho, hmun hrang hrang aţanga lo kalten he bâwih tha leh rinawm tak hi zah takin an thlah liam ta a ni.

Synod Mission Board chuan Pu R. Siamliana leh Pu Kapmawia te pahnih hi a ui tak zet a; tin, an rawngbâwlina hi a ngai hlu hle a ni. Pathianin an thihna hi malsâwmnaah chantîr rawh se.

PUN BELHNA 2024

Sl. No.	Field	Hawn Kum	Jan-Apr 2024
I. HOME MISSION			
1	Home Mission North	1949	35
2	Home Mission South	1987	23
3	Masihi Sangati	1979	1892
4	Caohar Tlangram	2023	14
II. NORTH EAST REGION			
1	Arunachal 'E'	1991	23
2	Arunachal 'N'	2016	25
3	Arunachal 'W'	2001	29
4	Assam	2008	16
5	Barak Area	1975	27
6	Karbi Anglong	1989	68
7	Tripura	1986	492
III. CENTRAL REGION			
1	Delhi	1988	52
2	Jharkhand	2008	182
3	Calcutta	1988	238
4	Lucknow	1999	24
5	Odisha	2018	33
6	Patna	1999	65
7	Siliguri	1988	41
IV. RAM PAWN			
1	Cambodia	2010	9
2	Nepal	2000	73
BELH KHAWM			3359

RAMTHAR MAN PÊK DÁN



Bank Transfer hmanga pe duh tân a hnuaja
Account Number târ lanah hian a pêk theih bawk e.

Account Holder : SYNOD RAMTHAR
Account No : 10665621086
IFSC : SBIN0007058
Bank : State Bank of India
Branch : Mission Veng

Ramthar man pete chuan an pêk veleh
WhatsApp No. **8974694225**-ah inhriattír ni se.

Kan then tâk, Krista Pasal̄thate:



**PU R. SIAMLIANA
(1966-2024)**

A têt tê ațanga Kohhran bel tlat, zîktluak taka Sunday School kal, naupan lai ațanga piangthar leh tleirawl sual nei lo a ni a. A nu leh pa, ute a zah thiam a, a unaute a ngaihsakin a țûl apiangah a tuam hlâwm țhin. A nupui nèn hian nupa inkawprem tak, inhau ngai lo, mu ruala tho rual leh țhin an ni. Thilpêk rawngbawlna lamah sawma pahnih a pe țhin a, chu aia tam pawh pêk cháng a nei fo mai. An fapa naupang zâwk hi pianphunga rualbanlo a ni a, he an Vohbîk pual hian Missionary pahnih an châwm a ni. Pu Siama hi mi dik, tlawmngai thei tak, thilphal tak, inpe tak leh țhahnemngai tak a ni.

**PU KAPMAWIA
(1983-2024)**



Bialtu Pastor țawiâwm kawngah leh thawhpuite nêna thawh hona kawngah pawh fak a hlawh hle țhin. Ringthar pawh a nei thei hle a ni. Mi dang țanpui a peih êm êm a – ringtu mai ni lovin ringlote pawhin hei hi amah an ngaih êm êmna chhan pakhat a ni. A vuinaah pawh a thawhna hmasaa mite, ringlo eng emaw zât nèn Cachar ațang hian amah thlah liam tûrin an lo kal nghe nghe a ni. Damlo a ngaihsak a; natna khirh takin a tlâkbuak avànga amah ngei pawhin sum a mamawh êm êm lai pawhin amah an kanna pawisa te hi mi harsa zâwkte sem ve zêl a duh țhin a, țanpui tûr hi a hre thei hle a ni.

If not delivered please return to:
The Manager
Ramthar Chanchinbu
Synod Office, Aizawl, Mizoram
India. Pin-796001

To,

